

1.4. Plan de estudos resumido (por curso académico)

Primeiro curso

| Materia | Carácter | Créditos |
|---------------------------------|------------------|----------|
| Contabilidade xeral I | Formación básica | 6 |
| Dereito mercantil I | Formación básica | 6 |
| Estatística económica I | Formación básica | 6 |
| Matemáticas para economistas I | Formación básica | 6 |
| Principios de economía | Formación básica | 6 |
| Administración de empresas | Formación básica | 6 |
| Estrutura económica mundial I | Formación básica | 6 |
| Historia económica mundial | Formación básica | 6 |
| Matemáticas para economistas II | Formación básica | 6 |
| Microeconomía I | Formación básica | 6 |

Segundo curso

| Materia | Carácter | Créditos |
|---|-------------|----------|
| Contabilidade xeral II | Obrigatoria | 6 |
| Dereito mercantil II | Obrigatoria | 6 |
| Estatística económica II | Obrigatoria | 6 |
| Macroeconomía I | Obrigatoria | 6 |
| Modelos matemáticos para a economía | Obrigatoria | 6 |
| Estrutura económica mundial II. Desenvolvemento económico | Obrigatoria | 6 |
| Historia económica da España contemporánea | Obrigatoria | 6 |
| Macroeconomía II | Obrigatoria | 6 |
| Microeconomía II | Obrigatoria | 6 |
| Socioloxía | Obrigatoria | 6 |

Terceiro curso

| Materia | Carácter | Créditos |
|--|-------------|----------|
| Econometría I | Obrigatoria | 6 |
| Estrutura económica de España e da UE | Obrigatoria | 6 |
| Facenda pública: ingresos e gastos | Obrigatoria | 6 |
| Microeconomía III | Obrigatoria | 6 |
| Política económica I | Obrigatoria | 6 |
| Análise económica internacional | Obrigatoria | 6 |
| Desenvolvemento rexional e desenvolvemento local | Obrigatoria | 6 |
| Econometría II | Obrigatoria | 6 |
| Estrutura económica de Galicia | Obrigatoria | 6 |
| Historia económica de Galicia | Obrigatoria | 6 |

Cuarto curso

| Materia | Carácter | Créditos |
|--|-------------|----------|
| Federalismo fiscal | Obrigatoria | 4,5 |
| Política económica II | Obrigatoria | 4,5 |
| Sistema fiscal español | Obrigatoria | 4,5 |
| Econometría aplicada | Optativa | 6 |
| Finanzas | Optativa | 6 |
| Historia das relacións económicas internacionais | Optativa | 6 |
| Márketing | Optativa | 6 |
| Política económica española | Optativa | 6 |
| Teoría do desenvolvemento e sustentabilidade | Optativa | 6 |
| Sistema fiscal español: fiscalidade empresarial | Obrigatoria | 4,5 |
| Desenvolvemento económico e sustentabilidade | Optativa | 6 |
| Xestión e gobernanza pública | Optativa | 6 |
| Historia do pensamento económico | Optativa | 6 |
| Microeconomía dos mercados financeiros | Optativa | 6 |
| Política económica internacional | Optativa | 6 |
| Técnicas de enquisas e análise de datos | Optativa | 6 |
| Traballo fin de grao | Obrigatoria | 6 |

IV. OPOSICIÓN E CONCURSOS

CONSELLERÍA DE PRESIDENCIA,
ADMINISTRACIÓN PÚBLICAS
E XUSTIZA

Orde do 2 de marzo de 2010 pola que se outorgan nomeamentos de notarios e notarias para as notarías vacantes que se citan.

O nomeamento dos notarios que teñan que exercer no territorio de Galicia é competencia desta comunidade autónoma, segundo o disposto no artigo 26.1º do Estatuto de autonomía de Galicia, aprobado pola Lei orgánica 1/1981.

Visto o expediente instruído para a provisión de notarías vacantes en virtude de concurso ordinario convocado pola resolución da Dirección Xeral dos Rexistros e do Notariado do 25 de novembro de 2009 (BOE do 3 de decembro), de conformidade cos artigos 23, 88 e demais concordantes do Regulamento notarial, o decreto da Xunta de Galicia 303/2009, do 21 de maio, polo que se establece a estrutura orgánica da Consellería de Presidencia, Administracións Públicas e Xustiza, e demais disposicións legais autonómicas pertinentes,

RESOLVO:

Nomear a notaria e os notarios que no anexo se relacionan para prover as notarías vacantes radicadas no ámbito da Comunidade Autónoma de Galicia.

Santiago de Compostela, 2 de marzo de 2010.

Alfonso Rueda Valenzuela
Conselleiro de Presidencia, Administracións
Públicas e Xustiza

ANEXO

-Luis Manuel Gómez Varela, notario de Vilagarcía de Arousa, para a notaría de Arteixo.

-Alejandro Marcos Hidalgo, notario de Vilanova de Arousa, para a notaría do Barco de Valdeorras.

-Cristina Jiménez Hernández, notaria de Roda de Bará, para a notaría de Ponte Caldelas.

-Gonzalo Emilio Freire Barral, notario da Pobra do Caramiñal, para a notaría de Ribeira.

-Fernando Olmedo Castañeda, notario de Redondela, para a notaría de Vigo.

CONSELLERÍA DE EDUCACIÓN
E ORDENACIÓN UNIVERSITARIA

Orde do 15 de febreiro de 2010 pola que se convoca concurso-oposición para o acceso ao corpo de inspectores de Educación.

A disposición adicional décimo segundo, punto 4, da Lei orgánica 2/2006, do 3 de maio, de educación

e o Real decreto 276/2007, do 23 de febreiro, pola que se aproba o regulamento de ingreso, accesos e adquisición de novas especialidades nos corpos docentes a que se refire a Lei orgánica 2/2006, do 3 de maio, de educación, e se regula o réxime transitorio de ingreso a que se refire a disposición transitoria décimo sétima da citada lei, establecen que o acceso ao corpo de inspectores de educación se realizará mediante concurso-oposición.

Pola súa parte, o citado regulamento establece que as administracións públicas competentes, unha vez aprobadas as súas respectivas ofertas de empregos, procederán a realizar as convocatorias para a provisión de prazas autorizadas nas devanditas ofertas de emprego.

O Decreto 287/2009, do 7 de maio, polo que se aproba a oferta de emprego público correspondente a prazas de persoal funcionario dos corpos docentes que imparten as ensinanzas reguladas na Lei orgánica 2/2006, do 3 de maio, de educación, da Comunidade Autónoma de Galicia para o ano 2009, establece 13 prazas para o corpo de inspectores de educación.

Na súa virtude, esta Consellería de Educación e Ordenación Universitaria acorda convocar concurso-oposición para acceso ao corpo de inspectores de Educación, conforme os seguintes bases:

TÍTULO I

PROCEDEMENTO DE ACCESO

Base común 1.-*Normas xerais.*

1.1. Número de prazas.

Convócase concurso-oposición para o acceso a 13 prazas correspondentes ao corpo de inspectores de Educación.

1.2. Normativa aplicable.

A estes procedementos selectivos seranlles de aplicación: a Lei orgánica 2/2006, do 3 de maio, de educación; a Lei 7/2007, do 12 de abril, Estatuto básico do empregado público; a Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro; o Real decreto 276/2007, do 23 de febreiro, polo que se aproba o regulamento de ingreso, accesos e adquisición doutras especialidades nos corpos docentes a que se refire a Lei orgánica 2/2006, do 3 de maio, de educación, e se regula o réxime transitorio a que se refire a disposición transitoria decimo sétima da citada lei, o Decreto 287/2009, do 7 de maio, polo que se aproba a oferta de emprego público correspondente a prazas de persoal funcionario dos corpos docentes que imparten ensinanzas reguladas na Lei orgánica 2/2006, do 3 de maio, de educación, da Comunidade Autónoma de Galicia, o Decreto lexislativo 1/2008, do 13 de marzo, polo que se aproba o texto refundido da Lei da función pública de Galicia, modificado pola Lei 2/2009, do 23 de

xuño, e demais disposicións de aplicación xeral, así como o disposto nesta convocatoria.

Base común 2.-*Requisitos que debe reunir o persoal aspirante.*

Para seren admitidos aos procesos selectivos convocados nesta orde, o persoal aspirante deberá reunir os seguintes requisitos:

2.1. Requisitos xerais.

a) Ser español ou española ou ter a nacionalidade doutro país membro da Unión Europea ou de calquera outro dos Estados aos cales, en virtude dos tratados internacionais subscritos pola Unión Europea e ratificados por España, sexa de aplicación a libre circulación de traballadoras e traballadores.

Tamén poderán participar o cónxuxe, os descendentes e os descendentes do cónxuxe, tanto dos cidadáns españois como dos nacionais doutros Estados membros da Unión Europea ou de Estados en que, en virtude de tratados internacionais subscritos pola Unión Europea e ratificados polo Estado español, sexa de aplicación a libre circulación de traballadores cando así o prevexa o correspondente tratado, sexa cal sexa a súa nacionalidade, sempre que os cónxuxes non estean separados de dereito e, con respecto aos descendentes, sexan menores de vinte e un anos ou maiores desta idade pero vivan a cargo dos seus proxenitores.

b) Ter cumpridos os dezaseis anos e non ter alcanzado a idade establecida, con carácter xeral, para a xubilación.

c) Estar en posesión do título de doutor, licenciado, enxeñeiro, arquitecto ou grao correspondente ou título equivalente. No caso de que as ditas titulacións se obtivesen no estranxeiro, deberá terse concedida a correspondente credencial de homologación, segundo o Real decreto 285/2004, do 20 de febreiro (BOE do 4 de marzo), ou o seu recoñecemento ao abeiro do establecido pola Directiva 89/48/CEE, do Consello das Comunidades Europeas, do 21 de decembro de 1988, e polos reais decretos 1665/1991, do 25 de outubro (BOE do 22 de novembro) e 1771/2003, do 12 de setembro (BOE do 19 de setembro).

d) Non padecer enfermidade nin estar afectado ou afectada por limitación física ou psíquica incompatible co desempeño das funcións correspondentes ao corpo a que se opta.

e) Non ter sido separado ou separada, mediante expediente disciplinario, do servizo de calquera das administracións públicas, nin estar inhabilitado ou inhabilitada para o desempeño de funcións públicas.

O persoal aspirante a que se refire a alínea a) desta base, cunha nacionalidade que non sexa a española, deberá acreditar, igualmente, non estar sometido a sanción disciplinaria ou condena penal que impida, no seu Estado, o acceso á función pública.

f) Non ser persoal funcionario de carreira, en prácticas ou estar pendente do correspondente nomeamento do mesmo corpo a que se aspira a ingresar.

g) Ser funcionaria ou funcionario de carreira dalgún dos seguintes corpos: catedráticos de ensino secundario; catedráticos de escolas oficiais de idiomas; catedráticos de artes plásticas e deseño; catedráticos de música e artes escénicas; profesores de ensino secundario; profesores técnicos de formación profesional; profesores de escolas oficiais de idiomas; profesores de artes plásticas e deseño; mestres de taller de artes plásticas e deseño; profesores de música e artes escénicas e mestres.

h) Acreditar unha antigüidade mínima de seis anos, como funcionaria ou funcionario de carreira, nalgún dos corpos que integran a función pública docente e unha experiencia docente de igual duración.

i) Acreditar o coñecemento do galego.

2.2. Data en que deben posuírse estes requisitos.

Todas as condicións e requisitos relacionados nesta base deberán posuírse o día en que remate o prazo de presentación de solicitudes e manterse ata o momento da toma de posesión como persoal funcionario de carreira.

Base común 3.-*Solicitudes e pagamento dos dereitos.*

3.1. Solicitudes.

A solicitude deberá efectuarse por internet a través da páxina web da Dirección Xeral de Centros e Recursos Humanos, no seguinte enderezo <http://www.edu.xunta.es/opusculos>, e deberá imprimirse a instancia que se presentase nalgún dos lugares previstos no número 3.5 desta convocatoria.

O persoal aspirante que alegue estar exento de realizar a proba de coñecemento de lingua galega presentará o correspondente documento xustificativo debidamente cotexado.

3.2. Lugar de presentación das solicitudes.

As instancias dirixiranse á Dirección Xeral de Centros e Recursos Humanos da Consellería de Educación e Ordenación Universitaria, e poderán ser presentadas:

a) No Rexistro Xeral da Xunta de Galicia.

b) Nos rexistros provinciais dos departamentos territoriais da Xunta de Galicia.

c) En calquera dos lugares previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, de acordo coas condicións establecidas no citado precepto. No caso de que se optase por presentar a solicitude ante unha oficina de correos, farano en sobre aberto, para que a instancia sexa datada e selada polo funcionario de correos antes de ser certificada.

O requirimento establecido para emendar defectos, conforme o previsto no artigo 71 da Lei 30/1992, do 26 de novembro, efectuarase mediante a resolución provisional pola que se publica a relación de persoal aspirante admitido e excluído para participar no concurso-oposición.

3.3. Solicitudes cursadas no estranxeiro.

As solicitudes subscritas polas persoas que residan no estranxeiro deberán cursarse no prazo sinalado no punto seguinte a través das representacións diplomáticas ou oficinas consulares españolas, que as remitirán seguidamente á Dirección Xeral de Centros e Recursos Humanos. O pagamento dos dereitos de exame realizarase de acordo co establecido no punto 3.5 desta convocatoria.

3.4. Prazo de presentación de solicitudes.

O prazo de presentación de solicitudes será de vinte días naturais contados a partir do seguinte ao da publicación desta convocatoria no *Diario Oficial de Galicia*.

3.5. Importe e pagamento dos dereitos de exame.

Os dereitos de exame serán de 40,74 euros.

Estarán exentos do pagamento dos dereitos de exame, logo de xustificación documental:

a) Persoas con minusvalidez igual ou superior ao 33%.

b) Persoas que sexan membros de familias numerosas clasificadas na categoría especial. No caso de membros de categoría xeral terán unha bonificación do 50%.

c) Persoas que figuren como demandantes de emprego desde, polo menos, o mes anterior á data de convocatoria de probas selectivas de persoal convocadas para a selección de persoal da comunidade autónoma en que soliciten a súa participación. Serán requisitos para o gozo da exención que, no prazo do que se trate, non rexeitasen oferta de emprego adecuado nin se negasen a participar, agás causa xustificada, en accións de promoción, formación ou reconversión profesionais e que, así mesmo, carezan de rendas superiores, en cómputo mensual, ao salario mínimo interprofesional.

O importe dos dereitos de exame e, se e o caso, os gastos de transferencia correspondentes faranse utilizando o impreso de autoliquidación sinalado no anexo V. O dito impreso débese cubrir cos códigos que figuran no referido anexo.

A non presentación deste anexo, dentro de prazo, en que figure o selo da entidade bancaria, determinará a exclusión do aspirante. En ningún caso a presentación deste anexo suporá a substitución do trámite de presentación en tempo e forma da solicitude.

Tamén se poderá efectuar o pagamento pola internet no enderezo:

<http://www.xuntaeco.org/web/portal/tramites-tributarios-presentacion>

Neste caso é obrigatorio enviar o xustificante que se imprime ao efectuar o pagamento.

Base común 4.-*Admisión do personal aspirante.*

4.1. Lista provisoria de persoal admitido e excluído.

Finalizado o prazo de presentación de instancias, a Dirección Xeral de Centros e Recursos Humanos fará publica no *Diario Oficial de Galicia* e na páxina web da Consellería de Educación e Ordenación Universitaria a lista provisoria do persoal admitido e excluído. Nesta lista aparecerán, polo menos, apelidos, nome e número de documento nacional de identidade do persoal aspirante, e se está exento ou non da realización da proba de coñecementos de lingua galega. No caso do persoal aspirante excluído, especificarase a causa de exclusión.

4.2. Reclamación contra a lista provisoria.

Contra a lista provisoria, os interesados e interesadas poderán interpoñer, no prazo máximo de 10 días naturais, contados a partir do seguinte ao da súa publicación no *Diario Oficial de Galicia*, e ante a Dirección Xeral de Centros e Recursos Humanos da Consellería de Educación e Ordenación Universitaria, as reclamacións que coiden oportunas, de acordo co disposto no artigo 71 da Lei 30/1992, do 26 de novembro.

4.3. Lista definitiva do persoal admitido e excluído.

As reclamacións presentadas serán aceptadas ou rexeitadas na resolución pola que se aprobe a lista definitiva do persoal admitido e excluído, que igualmente se publicará no *Diario Oficial de Galicia*, así como no enderezo da internet <http://www.edu.xunta.es/>.

O feito de figurar na relación de persoal admitido non prexulga que se lles recoñeza aos interesados ou interesadas a posesión dos requisitos exixidos nos procedementos que se convocan mediante esta orde. Cando da documentación que debe presentarse no caso de seren aprobados ou aprobadas se desprenda que non posúen algún dos requisitos, o persoal interesado decaerá de todos os dereitos que puidesen derivar da súa participación nestes procedementos.

4.4. Recurso contra a lista definitiva.

Contra a resolución que aprobe a lista definitiva de admitidos e excluídos os interesados e interesadas poderán interpoñer recurso de alzada ante o conselleiro de Educación e Ordenación Universitaria, no prazo dun mes, a partir do día seguinte ao da súa publicación no *Diario Oficial de Galicia*, segundo o disposto no artigo 115 da citada Lei 30/1992, do 26 de novembro, segundo a redacción dada pola Lei 4/1999.

4.5. Reintegro dos dereitos de exame.

Os dereitos de exame seranlle reintegrados, por petición dos interesados ou interesadas, ao persoal aspirante que fose excluído definitivamente da rea-

lización do concurso-oposición, por falta dalgún dos requisitos para tomar parte nas probas.

Base común 5.-*Órganos de selección.*

5.1. Tribunais e comisións de selección.

A selección do persoal aspirante será realizada polo tribunal ou tribunais nomeados para o efecto e, se é o caso, polas comisións de selección, sen prexuízo do previsto no punto 6.1 desta orde respecto aos tribunais de valoración da proba previa de coñecemento da lingua galega.

5.2. Nomeamento.

A Dirección Xeral de Centros e Recursos Humanos da Consellería de Educación e Ordenación Universitaria procederá ao nomeamento do tribunal ou tribunais que vulgarán o proceso selectivo e fará pública a súa composición no *Diario Oficial de Galicia*.

Poderanse nomear todos os tribunais que se xulguen necesarios.

5.3. Composición dos tribunais.

Os tribunais estarán constituídos por funcionarias ou funcionarios de carreira en activo do corpo de inspectores de Educación ou do corpo de inspectores ao servizo da Administración educativa e tenderase á paridade entre inspectoras e inspectores salvo que razóns fundadas e obxectivas o impidan.

En todo caso, os membros dos tribunais pertencerán a corpos de igual ou superior grupo ao do corpo ao cal optan os aspirantes.

Con carácter xeral, os tribunais estarán compostos por:

-Unha presidencia, designada directamente pola Dirección Xeral de Centros e Recursos Humanos da Consellería de Educación e Ordenación Universitaria.

-Catro vogais, designados por sorteo público mediante aplicación informática entre os funcionarios e funcionarias de carreira dos corpos anteriormente mencionados.

5.4. Tribunais suplentes.

Para cada tribunal poderase designar polo mesmo procedemento un tribunal suplente.

5.5. Sorteo público.

O sorteo público terá lugar o día 20 de abril, ás nove horas, na sala de xuntas da Consellería de Educación e Ordenación Universitaria, sita en Santiago de Compostela, San Caetano, s/n.

5.6. Constitución dos tribunais.

5.6.1. Logo da convocatoria do presidente ou presidenta constituiranse os tribunais no prazo máximo de quince días desde a súa publicación no DOG, e será precisa a asistencia do presidente ou presiden-

ta titular, ou, se é o caso, do ou da suplente, e de, polo menos, tres vogais, titulares ou suplentes.

Na citada sesión acordarán todas as decisións que lles correspondan para o correcto desenvolvemento do concurso-oposición.

Actuará como secretario ou secretaria o ou a vogal con menor antigüidade no corpo, agás que o tribunal acorde determinalo doutra maneira.

5.6.2. Salvo que concorran circunstancias excepcionais, que serán apreciadas pola Dirección Xeral de Centros e Recursos Humanos, unha vez constituídos os tribunais só poderán actuar os membros presentes no acto de constitución e bastará coa asistencia de tres deles para a validez das sesións. Non obstante, se chegado o momento da actuación dos tribunais, estes non puidesen actuar polo menos con tres membros, a Dirección Xeral de Centros e Recursos Humanos adoptará as medidas oportunas necesarias co fin de garantir o dereito do persoal aspirante á participación no concurso-oposición.

5.6.3. A suplencia do presidente ou presidenta será autorizada pola Dirección Xeral de Centros e Recursos Humanos, segundo corresponda; a dos vogais, polo presidente ou presidenta que vaia actuar, tendo en conta que deba recaer no vogal suplente respectivo ou, no seu defecto, nos que o sigan, segundo a orde en que figuren na disposición que os nomeou. Se non puidese actuar o suplente número catro pasaríase ao suplente número un.

De non poder actuar tampouco os suplentes, a Dirección Xeral de Centros e Recursos Humanos designará a seguinte persoa segundo a relación alfabética do corpo.

5.6.4. A participación nos órganos de selección ten carácter obrigatorio de conformidade co disposto no artigo 8.3º do Real decreto 276/2007, do 23 de febreiro.

Sen prexuízo do anterior, as presidencias dos tribunais concederán a suplencia, ademais de nos supostos previstos na Lei 30/1992, do 26 de novembro, a aquelas persoas que actuaron como membros dun tribunal de oposicións durante o ano 2009.

5.7. Comisións de selección.

No suposto de que se nomee máis dun tribunal, constituirase unha comisión de selección de, polo menos, cinco membros, formada polos presidentes e presidentas de cada un dos tribunais.

No suposto de que o número de tribunais fose inferior a cinco, formará parte da comisión de selección o vogal número un dos tribunais que sexan necesarios, empezando polo tribunal número un, ata acadar os cinco membros.

De estaren nomeados unicamente dous tribunais, formará parte da comisión de selección o vogal número dous do tribunal número un.

A presidencia da comisión de selección será nomeada polo director xeral de Centros e Recursos Humanos da Consellería de Educación e Ordenación Universitaria de entre os presidentes e presidentas dos tribunais.

5.8. Constitución das comisións de selección.

As comisións de selección constituiranse no prazo de corenta e oito horas desde que se constituísen os tribunais.

5.10. Abstención e recusación dos tribunais e comisións de selección.

Os membros dos tribunais absteranse de intervir se se desen as circunstancias sinaladas no artigo 28 da Lei 30/1992, do 26 de novembro, de réxime xurídico das administracións públicas e do procedemento administrativo común. Do mesmo xeito, de acordo co artigo 8.4º do Real decreto 276/2007, do 23 de febreiro, deberán absterse de actuar aqueles membros que realizasen tarefas de preparación de aspirantes aos procedementos selectivos para o corpo de inspectores de Educación nos cinco anos anteriores a esta publicación.

Así mesmo, o persoal aspirante poderá recusar os membros do tribunal cando concorran as circunstancias previstas no parágrafo anterior, de acordo co artigo 29 da Lei 30/1992, do 26 de novembro.

5.11. Categoría dos tribunais, comisións de selección e comisión de prácticas.

Para os efectos previstos no artigo 26.2º do Decreto 144/2001, do 7 de xuño (DOG do 25 de xuño), estes tribunais considéranse incluídos na categoría primeira.

5.12. Indemnizacións por razón do servizo.

Os tribunais e as comisións de selección terán dereito ás indemnizacións por razón do servizo previstas na normativa vixente.

5.13. Funcións dos órganos de selección.

Os órganos de selección actuarán con plena autonomía funcional, serán responsables da obxectividade do concurso-oposición e garantirán o cumprimento das bases da convocatoria.

5.13.1. Comisións de selección.

Serán competencias das comisións de selección as seguintes:

- a) A elaboración, se é o caso, dos exercicios a que se refiren as bases 9 e 16 desta orde.
- b) A coordinación dos tribunais, incluíndo a data do acto de presentación e de realización da primeira parte da proba, que serán simultáneos.
- c) A determinación dos criterios de actuación dos tribunais e a súa homoxeneización.

d) A determinación e publicidade dos criterios de avaliación, antes do inicio da primeira parte da proba.

e) A agregación das puntuacións da fase de concurso ás adxudicadas polos tribunais na fase de oposición, a ordenación dos aspirantes e a elaboración das listas dos aspirantes que superasen ambas as fases.

f) A declaración dos aspirantes que superaron as fases de concurso e oposición e resultan seleccionados, a publicación das listas correspondentes a eles, así como a súa elevación á Dirección Xeral de Centros e Recursos Humanos.

5.13.2. Competencias dos tribunais.

Correspóndelles aos tribunais:

-A cualificación das distintas partes da proba da fase de oposición.

-A baremación dos méritos de conformidade co disposto no anexo I.

-A conformación do expediente administrativo cubrindo os modelos que lles sexan facilitados pola Dirección Xeral de Centros e Recursos Humanos. Deberan facer uso das aplicacións informáticas que se poñan á súa disposición, mantendo actualizados os datos para asegurar o desenvolvemento do procedemento.

No caso de que se nomee un único tribunal, este actuará tamén como comisión de selección.

A actuación dos tribunais axustarase en todo o proceso ao disposto na Lei 30/1992, de réxime xurídico das administracións públicas e do procedemento administrativo común.

5.14. Adaptación de tempo e medios.

Os tribunais cualificadores adoptarán as medidas necesarias para que os aspirantes con discapacidade gocen de similares oportunidades para a realización das probas que o resto dos participantes. Neste sentido estableceranse, para as persoas con discapacidade que o soliciten, as adaptacións posibles de tempo e medios para a súa realización, conforme as instrucións dadas pola Consellería de Educación e Ordenación Universitaria.

Base común 6.-*Acreditación do coñecemento do galego.*

6.1. A acreditación do coñecemento da lingua galega realizarase coa presentación do certificado de coñecemento da lingua galega (Celga 4), ou da súa validación, do curso de perfeccionamento en lingua galega ou da súa validación, feita polo órgano competente, o título de licenciado en Filoloxía Galego-Portuguesa, certificado de ter o curso de especialización en lingua galega ou de ter superado a proba na convocatoria de concurso-oposición para ingreso no corpo docente correspondente efectuada por esta Consellería de Educación e Ordenación universitaria.

6.2. As persoas que non poidan acreditar o coñecemento do galego da forma prevista no anterior deberán acreditarlo mediante a realización dunha proba.

Esta proba, que se levará a cabo de forma escrita, na data que fixe a Dirección Xeral de Centros e Recursos Humanos da Consellería de Educación e Ordenación Universitaria, consistirá na resposta a varias cuestións sobre o temario de lingua galega que figura como anexo IV e nunha tradución do castelán para o galego.

6.3. Tribunal de valoración.

A valoración da proba realizaraa un tribunal designado por resolución da Dirección Xeral de Centros e Recursos Humanos, e composto por:

-Unha presidencia, designada directamente pola Dirección Xeral de Centros e Recursos Humanos da Consellería de Educación e Ordenación Universitaria, de entre funcionarios ou funcionarias do corpo de inspectores de Educación ou do corpo de inspectores ao servizo da Administración educativa.

-Catro vogais, designados por sorteo público mediante aplicación informática entre os funcionarios e funcionarias de carreira do corpo anteriormente mencionados.

En todo caso, garantirase que forman parte do tribunal os inspectores e inspectoras que posúen a especialidade de galego nos seus corpos de orixe.

6.4. Valoración da proba.

O tribunal valorará esta proba como «apto» e «non apto». Quedarán excluídas do concurso-oposición as persoas cualificadas como «non aptas».

Rematada a realización da proba, o tribunal fará pública a valoración do persoal aspirante no taboleiro de anuncios do centro en que actuase e elevaraa á Dirección Xeral de Centros e Recursos Humanos, para a súa incorporación ao expediente.

Base común 7.-*Comezo e desenvolvemento do concurso-oposición.*

7.1. Comezo.

O concurso-oposición dará comezo a partir do 24 de xuño de 2010.

7.2. Orde de actuación.

A actuación dos aspirantes, cando non sexa simultánea, realizarase por orde alfabética, comezando por aquelas e aqueles que teñan como inicial do primeiro apelido a letra «M», conforme o sorteo realizado pola Consellería de Facenda no ano 2010 e publicado no *Diario Oficial de Galicia* do 1 de febreiro. Os tribunais que non conten con aspirantes cuxo apelido empece pola letra indicada, iniciarán a orde de actuación coa letra ou letras seguintes.

7.3. Citación dos aspirantes.

7.3.1. O persoal aspirante será convocado, a través do *Diario Oficial de Galicia*, para a realización da proba, de ser o caso, de coñecementos da lingua galega, do acto de presentación e a primeira parte da proba prevista na base novena desta convocatoria, con dez días naturais de antelación, como mínimo, indicando a data, a hora e o lugar en que se realizarán estes actos.

7.3.2. O persoal aspirante será convocado para cada proba en único chamamento e serán excluídos do proceso selectivo os que non comparezan, agás nos casos de forza maior debidamente xustificadas e libremente apreciadas polo tribunal.

7.3.3. Unha vez comezado o concurso-oposición non será obrigatoria a publicación dos sucesivos chamamentos aos aspirantes no *Diario Oficial de Galicia*. Estes anuncios deberán facelos públicos os tribunais nos locais en que se realicen as probas e na páxina web da Consellería de Educación e Ordenación Universitaria, no enderezo <http://www.edu.xunta.es/oposicions>, con 24 horas, como mínimo, de antelación.

7.4. Identificación dos aspirantes.

O tribunal poderá requirir en calquera momento os aspirantes para que acrediten a súa identidade.

7.5. Exclusión dos aspirantes.

Se en calquera momento do proceso selectivo os tribunais teñen coñecemento de que algún dos ou das aspirantes non posúe algún dos requisitos exixidos por esta convocatoria, despois de audiencia ao interesado ou interesada, deberanlle propoñer a súa exclusión ao director xeral de Centros e Recursos Humanos, e comunicarlle, así mesmo, as inexactitudes ou falsidades formuladas polos aspirantes na solicitude de admisión ás probas selectivas, para os efectos que procedan.

Así mesmo, os tribunais teñen a facultade de poder excluír do procedemento selectivo aquel persoal aspirante que leve a cabo calquera actuación de tipo fraudulento durante a realización dos exercicios.

Contra a exclusión, o persoal aspirante poderá interpoñer recurso de alzada perante o conselleiro de Educación e Ordenación Universitaria.

7.6. Acto de presentación.

Na data, hora e lugar que se estableza, conforme o previsto no punto 7.3.1, terá lugar o acto de presentación de asistencia obrigatoria para todo o persoal aspirante do concurso-oposición. Este acto de presentación, que terá lugar con posterioridade á realización da proba de coñecemento da lingua galega, ten carácter persoalísimo e, en consecuencia, non se admitirán acreditacións nin poderes de representación.

O persoal aspirante que non asista ao dito acto decaerá nos seus dereitos e será excluído do concurso-oposición, agás nos casos de forza maior debidamente xustificadas e libremente apreciadas polo tribunal.

Neste acto de presentación os tribunais identificarán o persoal aspirante, que deberá ir provisto do documento nacional de identidade ou documento similar que acredite a identidade. Darán as instrucións que consideren convenientes e aclararán as dúbidas presentadas para o mellor desenvolvemento do procedemento selectivo.

Base común 8.-*Sistema de selección.*

8.1. Sistema selectivo.

O sistema de ingreso no corpo de inspectores de educación será o de concurso-oposición. Existirá ademais unha fase de prácticas que formará parte do proceso selectivo.

8.2. Temarios.

Neste concurso-oposición será de aplicación o temario contido na Orde EDU/3429/2009, do 11 de decembro (*Boletín Oficial del Estado* do 21 de decembro de 2009), pola que se aproba o temario da fase de oposición do procedemento selectivo de acceso ao corpo de inspectores de Educación.

8.3. Fase de concurso.

8.3.1. Presentación dos méritos ante o tribunal

Nesta fase, que en ningún caso terá carácter eliminatorio, valoraranse os méritos que concorran no persoal aspirante ao remate do prazo de solicitudes sinalado no punto 4 da base terceira, conforme o baremo que se inclúe como anexo I desta convocatoria.

A documentación acreditativa dos méritos alegados, na forma que se establecen no anexo I desta orde, unicamente deberá presentala ante o propio tribunal o persoal aspirante que supere a primeira parte da proba, no prazo de dous días hábiles contados a partir do día seguinte ao da publicación no taboleiro de anuncios da sede de actuación, da resolución do tribunal que faga pública a relación do persoal aspirante que superou a primeira parte da proba.

Independentemente da data na que sexa presentada ante o tribunal a citada documentación, todos os méritos alegados deben posuírse con anterioridade á data de remate do prazo de presentación de solicitudes.

A documentación acreditativa dos méritos de cada aspirante quedará baixo a custodia da presidencia do tribunal, que a entregará á Dirección Xeral de Centros e Recursos Humanos, unha vez rematado o procedemento selectivo, xunto co expediente administrativo.

8.3.2. Puntuación provisional da fase de concurso e prazo de reclamacións.

A baremación dos méritos realizaraa o tribunal tendo en conta o disposto no anexo I e, se é o caso,

as instrucións que poida ditar a Dirección Xeral de Centros e Recursos Humanos.

A puntuación provisional da fase de concurso, por epígrafes, será publicada no taboleiro de anuncios da sede de actuación do tribunal e, para efectos informativos, na páxina web da Consellería de Educación e Ordenación Universitaria, no enderezo da internet <http://www.edu.xunta.es>. Contra ela poderá presentarse reclamación no prazo de cinco días hábiles contados desde o día seguinte ao da súa publicación, mediante escrito dirixido ao propio tribunal.

8.3.3. Puntuación definitiva.

Resoltas as reclamacións contra a resolución provisional, o tribunal fará pública a puntuación definitiva da fase de concurso no taboleiro de anuncios da sede de actuación e no enderezo da internet <http://www.edu.xunta.es>. Unicamente é preceptivo publicar a puntuación definitiva da fase de concurso do persoal aspirante que supere a fase de oposición.

8.3.4. Recurso de alzada.

Contra a resolución que fará públicas as puntuacións definitivas da fase de concurso poderase interpoñer recurso de alzada, no prazo dun mes, ante o director xeral de Centros e Recursos Humanos da Consellería de Educación e Ordenación Universitaria.

8.4. Fase de oposición.

A fase de oposición consistirá nunha proba en que se valorarán os coñecementos pedagóxicos, de administración e lexislación educativa adecuada á función inspectora que van realizar os aspirantes, así como os coñecementos e técnicas específicos para o seu desempeño. A proba constará de tres partes, nas que haberá que obter unha cualificación mínima de cinco puntos en cada unha delas.

8.5. Partes da proba.

a) Parte primeira. Consistirá no desenvolvemento por escrito dun tema referido á parte A do temario, elixido polo aspirante de entre dous extraídos por sorteo polo tribunal.

Para a realización deste exercicio escrito o persoal aspirante disporá dun máximo de tres horas.

Este exercicio será lido polo persoal aspirante ante o tribunal, que lle poderá formular as preguntas ou aclaracións que considere pertinentes, durante un período máximo de quince minutos.

b) Parte segunda. O persoal aspirante que obteña, polo menos, un cinco na primeira parte da proba, realizará esta segunda parte consistente na exposición oral dun tema, referido á parte B do temario, elixido polo persoal aspirante de entre dous extraídos por sorteo polo tribunal.

O persoal aspirante disporá de trinta minutos para a preparación deste exercicio e dun máximo de sesenta minutos para a súa exposición oral. Rematada a exposición, o tribunal poderá formular as preguntas ou aclaracións que considere pertinentes, durante un período máximo de quince minutos.

c) Parte terceira. O persoal aspirante que obteña, polo menos, un cinco na segunda parte da proba, realizará esta terceira, que consistirá na análise por escrito dun caso práctico sobre as técnicas adecuadas para a actuación da inspección de Educación, que será proposto polo tribunal.

Para a realización deste exercicio escrito o persoal aspirante disporá dun máximo de tres horas.

8.6. Cualificación da fase de oposición.

O tribunal cualificará cada unha das partes da proba de cero a dez puntos, e será necesario alcanzar en cada unha delas unha puntuación igual ou superior a cinco para considerar que o persoal aspirante superou a fase de oposición e, polo tanto, poder acceder á valoración dos méritos da fase de concurso.

A cualificación correspondente a cada parte da proba será a media aritmética das puntuacións de todos os membros presentes no tribunal, debendo calculalas con aproximación de ata as dez milésimas, para evitar dentro do posible que se produzan empates. Cando entre as puntuacións outorgadas polos membros do tribunal exista unha diferenza de tres ou máis enteiros serán automaticamente excluídas as cualificacións máxima e mínima, e a puntuación media calcularase entre as cualificacións restantes. No caso de empate entre cualificacións máximas ou mínimas, unicamente será excluída unha delas.

A puntuación final da proba, unha vez superadas as tres partes, será o resultado de ponderar nun 40% a puntuación obtida na parte terceira e nun 30% cada unha das outras dúas partes.

Base común 9.-*Superación do procedemento selectivo.*

9.1. Elaboración das listas de aprobados do concurso-oposición.

Avaliada a proba e a fase de concurso, os tribunais facilitaránlle á comisión de selección os resultados obtidos polos aspirantes que superaron as tres partes da proba, co fin de que esta proceda á elaboración da lista de persoal que superou o concurso-oposición.

Resultarán seleccionados para pasar á fase de prácticas aqueles aspirantes que, unha vez ordenados segundo a puntuación global das fases de oposición e concurso, teñan un número de orde igual ou menor que o número total de prazas convocadas. Para estes efectos, a puntuación global destas fases será o resultado de ponderar en dous terzos a fase de oposición e nun terzo a fase de concurso.

9.2. Criterios de desempate.

No caso de que se produzan empates, estes resolveranse atendendo sucesivamente aos seguintes criterios:

- a) Maior puntuación na fase de oposición.
- b) Maior puntuación en cada un dos exercicios da oposición, pola orde en que aparecen nesta convocatoria.
- c) Maior puntuación nas epígrafes do baremo de méritos pola orde en que estes aparecen nesta convocatoria.
- d) Maior puntuación nas epígrafes do baremo de méritos, pola orde en que estas aparecen nesta convocatoria.

Caso de persistir o empate, este dirimirase a través dunha proba que se realizará por escrito sobre cuestións breves referidas á parte B do temario. Esta proba será elaborada, organizada e avaliada pola comisión de selección. Os aspirantes serán convocados pola comisión de selección cunha antelación mínima de 48 horas.

9.3. Orde de relación.

A comisión de selección confeccionará a correspondente relación de aspirantes que superaron o concurso-oposición ata o número máximo de prazas que foron convocadas ordenados de acordo co establecido nas bases anteriores.

Estas relacións faranse públicas no taboleiro de anuncios do local en que se realizou a proba, así como no enderezo da internet <http://www.edu.xunta.es>.

Contra estas listas poderán os interesados interpoñer recurso de alzada ante o director xeral de Centros e Recursos Humanos, de conformidade co disposto nos artigos 107 e 114 da Lei de réxime xurídico das administracións públicas e do procedemento administrativo común.

9.4. En ningún caso a comisión de selección poderá aprobar nin declarar que superaron o procedemento selectivo un número superior de aspirantes ao de prazas convocadas. Calquera proposta de aprobados que contraveña o establecido neste punto será nula de pleno dereito.

9.5. Publicación da lista de aprobados.

A Consellería de Educación e Ordenación Universitaria publicará no *Diario Oficial de Galicia*, así como no enderezo da internet <http://www.edu.xunta.es/>, a lista de aprobados do concurso-oposición.

A exclusión do procedemento selectivo ou a obtención de prórroga para a realización das prácticas non suporá modificación nas prazas asignadas ao resto de aspirantes.

A renuncia aos dereitos derivados do procedemento selectivo con anterioridade ao nomeamento como

funcionarios ou funcionarias en prácticas dará lugar a que se declare aprobada a persoa que, se é o caso, lle corresponda conforme os criterios establecidos nesta base común 9.

Base común 10.-*Presentación de documentos.*

10.1. No prazo de vinte día naturais contados desde o día seguinte a aquel en que se faga pública no *Diario Oficial de Galicia* a relación do persoal aspirante aprobado, os funcionarios e funcionarias docentes que non estean en situación de servizo activo deberán presentar perante a Consellería de Educación e Ordenación Universitaria os seguintes documentos:

a) Fotocopia compulsada do título exixido para o ingreso no corpo ou certificación académica que acredite que realizaron todos os estudos para a obtención do título, xunto coa fotocopia compulsada do recibo que acredite que se efectuou o pagamento correspondente dos dereitos de expedición. No caso de titulacións obtidas no estranxeiro, deberá presentarse a credencial de homologación ou ben a credencial de recoñecemento da titulación para exercer a profesión de profesor.

b) Certificado médico acreditativo de non padecer ningunha enfermidade nin estar afectado por limitación física ou psíquica que sexa incompatible co exercicio da profesión.

c) Declaración responsable de que non foron separados mediante expediente disciplinario do servizo de ningunha Administración pública, e de non estar inhabilitados para o exercicio de funcións públicas, conforme o anexo II desta convocatoria.

10.2. Os funcionarios públicos docentes que estean en situación de servizo activo deberán presentar unha certificación ou folla de servizos do organismo de que dependan, na cal se consignen de forma expresa os seguintes datos:

a) Corpo a que pertencen, anos de servizo como funcionario ou funcionaria de carreira e se están en situación de servizo activo.

b) Lugar e data de nacemento.

c) Título académico que posúen e data de expedición.

Se nas certificacións non se poden facer constar os datos sinalados na letra c), por non constar nos expedientes persoais dos interesados ou interesadas, estes deberán remitir separadamente o documento que os acredite.

10.3. Ante a imposibilidade, debidamente xustificada, de presentar os documentos expresados nas bases anteriores, poderá acreditarse que se reúnen as condicións exixidas na convocatoria mediante calquera medio de proba admitido en dereito.

10.4. Os que, dentro do prazo fixado e salvo os casos de forza maior, non presenten a documentación ou se do exame dela se deduce que carecen dal-

gún dos requisitos xerais establecidos na base común 2, non poderán ser nomeados funcionarios ou funcionarias en prácticas nin funcionarios ou funcionarias de carreira, e quedarán anuladas as súas actuacións, sen prexuízo da responsabilidade en que incorresen por falsidade na solicitude inicial.

Base común 11.-*Destino provisional e nomeamento de funcionarios en prácticas.*

11.1. Adxudicación de destinos.

Publicada a relación de aspirantes que superaron o procedemento selectivo, a Dirección Xeral de Centros e Recursos Humanos publicará na web da Consellería de Educación e Ordenación Universitaria a relación de vacantes e o procedemento para solicitar destino para a realización da fase de prácticas.

A adxudicación de vacantes efectuarase de conformidade coas peticións, entre as vacantes ofertadas, segundo a orde obtida no concurso-oposición.

Os aspirantes que superen o procedemento selectivo quedan obrigados a incorporarse aos destinos que a Dirección Xeral de Centros e Recursos Humanos lles adxudique para a realización da fase de prácticas. No caso de non incorporarse aos citados destinos no prazo que se estableza, entenderase que renuncian ao proceso selectivo.

Se se incorporan e reúnen as condicións requiridas para o ingreso no corpo de inspectores de Educación, serán nomeados funcionarios en prácticas.

A toma de posesión como funcionario en prácticas será con efectividade da data que se determine no nomeamento.

11.2. Destino definitivo.

Os aspirantes que superen o procedemento selectivo deberán obter o seu primeiro destino definitivo nunha das sedes da inspección educativa directamente xestionadas pola Consellería de Educación e Ordenación Universitaria, e estarán obrigados para estes efectos a participar nos sucesivos concursos ordinarios de traslados que se convoquen, na forma que determinen as respectivas convocatorias.

11.3. Réxime xurídico-administrativo do persoal aspirante nomeado funcionario ou funcionaria en prácticas.

Desde o nomeamento de funcionarios ou funcionarias en prácticas ata o nomeamento como funcionarios de carreira, o réxime xurídico-administrativo dos opositores será o de funcionario ou funcionaria en prácticas, sempre que estean desempeñando un posto da Inspección educativa.

11.4. Aprazamento da fase de prácticas.

A Dirección Xeral de Centros e Recursos Humanos poderá, por causa xustificada e por petición do interesado ou interesada, conceder o aprazamento da fase de prácticas.

11.5. Exencións á realización da fase de prácticas.

Estará exento da realización da fase de prácticas o persoal aspirante seleccionado que acredite ter prestado servizos, polo menos durante un ano, como inspector ou inspectora de Educación con carácter provisional. Esta exención deberá ser solicitada pola persoa interesada ante a Dirección Xeral de Centros e Recursos Humanos.

Sen prexuízo do recoñecemento como exento da avaliación da fase de prácticas, a situación administrativa destes, ata o seu nomeamento como funcionarios e funcionarias de carreira do corpo de inspectores de Educación, será a de funcionarios e funcionarias en prácticas, e estarán obrigados a desempeñar os destinos provisionais que lles asigne a Dirección Xeral de Centros e Recursos Humanos.

11.6. Opción da remuneración dos funcionarios en prácticas.

O persoal aspirante que superou o procedemento selectivo e que xa está prestando servizos remunerados na Administración poderá formular opción pola percepción das remuneracións durante a súa condición de funcionarios ou funcionarias en prácticas, de conformidade co previsto no Real decreto 456/1986, do 10 de febreiro, modificado polo Real decreto 213/2003, do 21 de febreiro. A falta de opción expresa, enténdese que se opta pola retribución correspondente ao corpo de inspectores de Educación.

Base común 12.-*Fase de prácticas.*

12.1. Obxecto e duración da fase de prácticas.

As prácticas terán por obxecto garantir que o persoal aspirante que superou a fase de concurso-oposición posúa a adecuada preparación para levar a cabo as funcións atribuídas ao corpo de inspectores de Educación. Serán tuteladas por un funcionario ou funcionaria de carreira do corpo de inspectores ao servizo da Administración educativa ou do corpo de inspectores de Educación.

Realizaranse nos destinos provisionais que lles correspondan co desempeño da función inspectora con plena validez.

A súa duración será de seis meses.

12.2. Constitución das comisións cualificadoras.

En cada xefatura territorial constituirase unha comisión cualificadora da fase de prácticas integrada por la xefatura da inspección, que exercerá a presidencia, e dous funcionarios ou funcionarias de carreira do corpo de inspectores ao servizo da Administración educativa ou do corpo de inspectores de Educación.

12.3. Funcións do titor ou titora.

As funcións do inspector ou inspectora titora consistirán en asesorar, informar e avaliar, tal como se indica no punto seguinte, o persoal en prácticas,

sobre as funcións propias das inspectoras e inspectores de Educación. Ao final do período de prácticas, o titor ou titora emitirá un informe sobre todos os datos que considere de interese e remitirao á comisión cualificadora.

12.4. Actividades de inserción e formación.

As actividades de inserción no posto de traballo consistirán no desenvolvemento de actividades tuteladas polo inspector ou inspectora titora en relación ao plan de actuación da Inspección educativa.

As actividades de formación serán programadas pola Consellería de Educación e Ordenación Universitaria, ben como actividades específicas para o persoal aspirante, ben dentro da oferta xeral de formación. Versarán sobre as competencias propias da Inspección educativa. A súa duración non será inferior a sesenta horas. Sobre o desenvolvemento destas actividades emitirán informe as persoas responsables da actividade, se se trata dunha oferta específica, ou mediante o certificado correspondente se se trata de actividades incluídas na oferta xeral.

12.5. Memoria final.

O persoal aspirante elaborará un informe-memoria final no cal fará unha valoración global da súa actividade, así como das dificultades encontradas e dos apoios recibidos. Este informe seralle entregado ao remate da fase de prácticas á comisión cualificadora.

12.6. Avaliación das inspectoras e dos inspectores en prácticas.

A avaliación do persoal aspirante será efectuada pola comisión cualificadora a partir dos informes emitidos pola inspectora ou inspector titor, do persoal responsable das actividades de formación e do informe-memoria presentado pola persoa aspirante.

A comisión cualificadora trasladaralle ao director xeral de Centros e Recursos Humanos a relación de persoas en prácticas coa cualificación obtida.

As prácticas cualificaranse como apto ou non apto.

Os aspirantes cualificados de non aptos na fase de prácticas poderán repetir esta fase por unha soa vez no curso académico seguinte. Os que non se incorporaren ou sexan declarados ou declaradas non aptos por segunda vez perderán todos os dereitos ao seren nomeados como funcionarios ou funcionarias de carreira.

Base común 13.-*Nomeamento de funcionarias e funcionarios de carreira.*

Rematada a fase de prácticas, a Consellería de Educación e Ordenación Universitaria aprobará o expediente do concurso-oposición e elevará a correspondente proposta como funcionarias e funcionarios de carreira do corpo de inspectores de Educación ao Ministerio de Educación.

Base común 14.-*Nomeamento de inspectores provisionais.*

Co persoal aspirante que non supere o procedemento selectivo elaborárase unha relación para o nomeamento de inspectores e inspectoras provisionais, en réxime de comisión de servizos, en prazas correspondentes ao corpo de inspectores de Educación desta comunidade autónoma. A relación obterase en función da puntuación obtida na fase de oposición, e terán prioridade as persoas que realizaron máis partes da proba.

Santiago de Compostela, 15 de febreiro de 2010.

Jesús Vázquez Abad
Conselleiro de Educación e Ordenación
Universitaria

ANEXO I

Baremo para a valoración de méritos: sistema xeral de acceso

| Méritos | Puntos | Documentos xustificativos |
|---|-----------|---|
| I. Traxectoria profesional. | Ata 3,000 | |
| 1.1.1. Por cada ano de experiencia docente, que supere os seis exixidos como requisito como funcionario de carreira dos corpos que integra a función pública docente. | 0,500 | Folla de servizos certificada pola xefatura territorial correspondente. |
| 1.1.2. Por cada ano de servizos en postos da Administración educativa de nivel 26 ou superior. | 0,500 | Fotocopia compulsada do nomeamento e, se é o caso, do cesamento. |
| 1.2. Por pertencer aos corpos de catedráticos. | 2,000 | Fotocopia compulsada do título administrativo ou credencial, ou, se é o caso, fotocopia simple do boletín oficial en que apareza o nomeamento. |
| Por esta epígrafe só se valorarán como máximo cinco anos posteriores aos seis anos de exercicio profesional exixidos pola convocatoria. | | |
| II. Exercicio como inspector accidental. | Ata 2,000 | Fotocopia compulsada do nomeamento acompañado da toma de posesión e, se é o caso cesamento, ou folla de servizos expedida pola xefatura territorial correspondente. |
| Por cada ano de servizos en postos de inspector ou inspectora accidental, sempre que se accedese ao posto mediante concurso público de méritos. | 0,750 | |
| III. Exercicio de cargos directivos e de coordinación didáctica. | Ata 3,000 | |
| 3.1. Por cada ano como director ou directora dun centro público, con avaliación positiva, cando se realizase, ou como director ou directora dun centro de formación e recursos. | 0,750 | Fotocopia compulsada do nomeamento, con expresión da duración do cargo e, se é o caso, do cesamento. |
| 3.2. Por cada ano de exercicio da vicedirección, xefatura de estudos, secretaría, administrador ou administradora, profesor ou profesora delegada nas seccións de formación profesional ou outros análogos. | 0,500 | Fotocopia compulsada do nomeamento, con expresión da duración do cargo e, se é o caso, do cesamento. |

| Méritos | Puntos | Documentos xustificativos |
|---|-----------|---|
| 3.3. Por cada ano como xefe de departamento, coordinador de ciclo na educación primaria, xefe de división, xefe de departamento de normalización e dinamización lingüística, coordinador de área, asesor de formación permanente ou figuras análogas, así como director de agrupacións de lingua e cultura españolas. | 0,100 | Fotocopia compulsada do nomeamento, con expresión da duración do cargo e, se é o caso, do cesamento. |
| IV. Preparación científica e didáctica e outros méritos. | Ata 2,000 | |
| 4.1. Preparación científica e didáctica. | Ata 0,700 | |
| 4.1.1. Por cada titulación superior distinta á exixida para acceder ao corpo. | 0,150 | Fotocopia compulsada do título. |
| 4.1.2. Por publicacións de carácter científico ou didáctico. | Ata 0,500 | Aquelas publicacións que, estando obrigadas a consignar o ISBN, en virtude do disposto polo Decreto 2934/1972, do 2 de novembro ou, se é caso, ISSN ou ISMN, carezan del, non serán valoradas, así como aquelas en que o autor sexa o autor delas. No caso de libros, os exemplares correspondentes, así como o certificado da editorial onde conste o número de exemplares e que a difusión destes foi en librerías comerciais. Para a valoración de libros editados polas universidades, organismos ou entidades públicas, será necesario achegar certificación na que conste a distribución destes. No caso de revistas, certificación en que conste o número de exemplares, lugares de distribución e venda, ou asociación científica ou didáctica, legalmente constituída, a que pertence a revista. Nos supostos en que a editorial ou asociación desaparecesen, o dito extremo terá que xustificarse por calquera medio de proba admisible en dereito. No caso de publicación que só se dea en formato electrónico, presentárase un informe oficial no cal o organismo emisor certificará que a publicación aparece na base de datos bibliográfica. Neste documento indícarase a base de datos, o título da publicación, os autores, a revista, o volume, o ano e a páxina inicial e final. |
| 4.2. Preparación específica para o exercicio da función inspectora. 0,01 punto por cada 10 horas de formación | Ata 0,500 | Fotocopia compulsada das actividades de formación convocadas por administracións educativas ou homologadas especificamente relacionadas coa función inspectora. |
| 4.3. Coñecementos de idiomas. | Ata 0,300 | |
| 4.3.1. Por cada titulación universitaria superior de idiomas | 0,200 | Fotocopias compulsadas ou cotexadas dos títulos que se posúen ou, se é o caso, os certificados de estudos e de ter aboado os dereitos de expedición dos títulos. |
| 4.3.2. Por cada certificado de nivel avanzado ou equivalente de escolas oficiais de idiomas ou polo curso de especialización de galego. | 0,100 | Fotocopias compulsadas ou cotexadas dos títulos que se posúen ou, se é o caso, os certificados de estudos e de ter aboado os dereitos de expedición dos títulos. |

ANEXO II

Don/Dona..... con domicilio..... en..... e con DNI....., declara baixo xuramento/promete, para os efectos de ser nomeado/a funcionario/a do corpo de....., que non foi separado/a do servizo de ningunha das administracións públicas e que non está inhabilitado/a para o exercicio de funcións públicas.

....., de de 2010.

Asdo.:

ANEXO III

Don/Dona con DNI, domiciliado/a para efectos de notificación en:

..... localidade,
provincia, rúa.....,
nº, teléfono.....

EXPÓN:

Que, tendo solicitado ser admitido/a ao proceso selectivo para ingreso no corpo de:.....

Pola especialidade de, alega, para o obxecto de que lle sexan valorados, na fase de con-

curso, os méritos que relaciona e xustifica documentalmente:

Méritos alegados:

Epígrafe I do baremo. Documentos xustificativos.

1.1.1.

1.1.2.

1.2.

Epígrafe II do baremo. Documentos xustificativos.

Epígrafe III do baremo. Documentos xustificativos.

3.1.

3.2.

3.3.

Epígrafe IV do baremo. Documentos xustificativos

4.1.1.

4.1.2.

4.2.

4.3.1.

4.3.2.

4.4.

ANEXO IV

Lingua galega.

Tema 1. Formación da lingua galega. Niveis de lingua e tratamento escolar.

Tema 2. A realidade actual da lingua: estatus legal e escolar. A normalización lingüística no ensino.

Tema 3. Particularidades fonéticas, morfosintácticas e léxicas do galego en relación coas linguas limítrofes. Tratamento escolar das interferencias.

Tema 4. Vocalismo e consonantismo.

Tema 5. O texto. Temas e subtemas. Esquema oracional. Oración simple e composta. Coordinación e subordinación.

Tema 6. O substantivo e o adxectivo. Oracións subordinadas substantivas. Oracións subordinadas adxectivas.

Tema 7. Pronomes persoais. Formas, funcións e colocación con respecto ao verbo.

Tema 8. Artigos, posesivos, demostrativos, numerais, indefinidos e interrogativos.

Tema 9. O verbo. Verbos irregulares. A perífrase.

Tema 10. Adverbios, preposicións, conxuncións e interxeccións. As oracións subordinadas adverbiais.

ANEXO V

| | | | | | | | |
|---|--|------------------------------------|--|--|--|--|--|
| XUNTA DE GALICIA CONSELLERÍA DE FACENDA | TAXAS da COMUNIDADE AUTÓNOMA DE GALICIA <small>Lei 6/2003, do 9 de decembro Decreto 61/2005, do 7 de abril</small> AUTOLIQUIDACIÓN | Modelo A EUROS | A..... Código: 0 7 Código: 1 3 Código: 0 1 Código: 3 0 0 3 0 0 | Consellería de Educación e Ordenación Universitaria..... Delegación de Servizos Centrais..... Servizo de Secretaría Xeral..... Taxa: denominación: Inscripción oposicións corpo de..... | NIF..... VÍA PÚBLICA..... CONCELLO..... APELLIDOS E NOME OU RAZÓN SOCIAL..... ESCAL. PISO PORTA TELÉFONO..... NÚMERO..... PROVINCIA..... CÓDIGO POSTAL..... | LIQUIDACION BASE DE CÁLCULO OU BASE IMPONIBLE OU UNIDADES..... TIPO OU TARIFA <div style="text-align: center; font-size: 2em;">€</div> IMPORTE PARA INGRESAR TOTAL € 40,74 | de de 20..... Signatura do declarante ou representante legal Data..... Número..... IMPORTANTE: o ingreso deberá realizarse en calquera das sucursais das entidades financeiras colaboradoras na recadación. |
|---|--|------------------------------------|--|--|--|--|--|

SERVIZO GALEGO DE SAÚDE

Resolución do 15 de febreiro de 2010, da Xerencia de Atención Primaria de Santiago de Compostela, pola que se resolve a convocatoria pública para a provisión dun posto de xefatura de servizo de persoal licenciado sanitario de Atención Primaria.

Convocada a provisión, polo sistema de libre designación, dun posto de xefatura de servizo, mediante Resolución do 14 de xaneiro de 2010 (DOG nº 13, do 21 de xaneiro), esta xerencia, de conformidade co previsto no Decreto 206/2005, do 22 de xullo, de provisión de prazas de persoal estatutario do Servizo Galego de Saúde, e na Orde do 24

de maio de 2006, pola que se establecen as bases do procedemento para a provisión dos postos de xefatura e coordinación das institucións sanitarias do Servizo Galego de Saúde, e en exercicio das competencias que ten atribuídas no artigo 5 j) da Orde do 15 de xuño de 2009, sobre delegación de competencias en órganos centrais e periféricos do Servizo Galego de Saúde,

ACORDA:

Primeiro.-Resolver a convocatoria pública para a provisión dun posto de xefatura do Servizo de Atención Primaria nº 1 (quenda de mañá) do centro de saúde Concepción Arenal, convocada por Resolu-